

Na osnovu člana 5. i 8. Zakona o ministarstvima i drugim organima uprave Tuzlanskog kantona («Službene novine TK», broj:17/00) i Odluke o utvrđivanju kriterija, uslova i postupka za raspodjelu sredstava sa potrošačke jedinice 24010004 – Nauka za 2004. godinu broj:02/1-02-2434-2/04 od 02.03.2004. godine Vlade Kantona, Ministarstvo obrazovanja, nauke, kulture i sporta Tuzlanskog kantona raspisuje

### JAVNI POZIV

za podnošenje zahtjeva za sufinansiranje troškova u oblasti nauke

#### I

Raspisuje se Javni poziv za podnošenje zahtjeva za ostvarivanje prava na sufinansiranje troškova u oblasti nauke u 2004. godini u skladu sa Odlukom o utvrđivanju kriterija, uslova i postupaka za raspodjelu sredstava sa budžetske pouicije – 24010004 Nauka

Prioriteti u raspodjeli sredstava u oblasti "Nauke" su:

- Potrebe i interesi Tuzlanskog kantona i Federacije Bosne i Hercegovine.
- Potrebe i interesi Univerziteta i drugih naučno-istraživačkih ustanova,
- Razvoj naučno-istraživačke djelatnosti,
- Razvoj međunarodno priznatih i usvojenih patentnih rješenja.

#### II

Iz dijela planiranih budžetskih sredstava za oblast nauke sufinansirat će se:

1. Organiziranje naučnih skupova (kongresa, simpozija, konferencija, seminara ),
2. Učešće naučnih radnika na naučnim skupovima u zemlji i inozemstvu na kojima izlažu svoje naučne radove,
3. Pomoć Fondu za stipendiranje naučnog usavršavanja zaposlenika pri JU Univerzitet u Tuzli,
4. Podrška Internet servisu pri JU Univerzitet u Tuzli,
5. Dio troškova izrade i odbrane doktorskih disertacija,
6. Dio troškova izrade i odbrane magistarskog rada,
7. Dio troškova posdiplomskog studija,
8. Dio troškova u prezentaciji i izlaganju patentnih rješenja,

#### III

Za sufinansiranje dijela troškova organiziranja naučnih skupova, kongresa, simpozijuma, konferencija i seminara organizatori su dužni priložiti:

1. Naziv pravnog lica – organizatora, adresa, telefon,
2. Finansijski plan sa potpunom specifikacijom troškova za organizaciju naučnog skupa, kongresa, simpozijuma, konferencije,
3. Dokaz o osiguranim sredstvima iz drugih izvora,
4. Identifikacijski broj,
5. Spesimen potpisa sa brojem ž/r, odnosno naziv banke i broj ž/r fizičkog lica otvoreno kod banke i filijala,
6. Navesti iznos sredstava koji se traži od Ministarstva obrazovanja, nauke, kulture i sporta.

**Za sufinansiranje dijela troškova učešća naučnih radnika na naučnim skupovima u zemlji i inozemstvu na kojima izlažu svoje naučne radove kandidati su dužni priložiti:**

1. Naziv pravnog lica u kojem je kandidat zaposlen, adresa, telefon,
2. Cijena koštanja povratne karte,
3. Iznos kotizacije,
4. Dokaz o osiguranim sredstvima iz drugih izvora,
5. Ukoliko nema osiguranih sredstava iz drugih izvora, kandidat je obavezan pod punom materijalnom i krivičnom odgovornošću o tome dostaviti pisanu izjavu,
6. Pismo poziva za učešće i potvrdu da je rad prihvaćen,
7. Identifikacijski broj (za pravno lice),
8. Spesimen potpisa sa brojem ž/r, odnosno naziv banke i broj ž/r fizičkog lica otvoreno kod banke i filijala (za pravna lica/fakultet/univerzitet),
9. Navesti iznos sredstava koji se traži od Ministarstva obrazovanja, nauke, kulture i sporta.

**Za sufinansiranje dijela troškova - pomoći Fondu za stipendiranje naučnog usavršavanja zaposlenika pri JU Univerzitet u Tuzli, aplikant je obavezan dostaviti:**

1. Zahtjev JU Univerzitet u Tuzli,
2. Fakultet, adresa i telefon na kojem je zaposlenik angažovan,
3. Institucija koja vrši usavršavanje (u zemlji ili inostranstvu),
4. Cijena koštanja usavršavanja sa troškovnikom realizacije,
5. Dokaz o osiguranim sredstvima iz Fonda i drugih izvora,
6. Ukoliko nema osiguranih sredstava iz drugih izvora, kandidat je obavezan pod punom materijalnom i krivičnom odgovornošću o tome dostaviti pisanu izjavu,
7. Dokaz kojim se utvrđuju razlozi za neophodnost usavršavanja, (izdaje Univerzitet),
8. Navesti iznos sredstava koji se traži od Ministarstva obrazovanja, nauke, kulture i sporta,

**Za sufinansiranje Internet servisa pri JU Univerzitet u Tuzli potrebno je priložiti:**

1. Zahtjev JU Univerzitet u Tuzli, koji sadrži finansijski plan predloženih potreba sa potpunom specifikacijom troškova i visina sredstava koja se potražuje od Ministarstva obrazovanja, nauke, kulture i sporta.
2. Identifikacijski broj Univerziteta u Tuzli,
3. Spesimen potpisa sa brojem ž/r, odnosno naziv banke i filijala,

Za sufinansiranje dijela troškova izrade i odbrane doktorske disertacije kandidati su dužni priložiti:

1. Curriculum vitae aplikanta sa listom objavljenih radova,
2. Odluka o imenovanju Komisije za ocjenu doktorskog rada-disertacije
3. Izvještaj komisije o podobnosti kandidata i teme doktorske disertacije (kopija),
4. Troškovnik rada komisija, mentora i oglašavanja,
5. Okvirni predračun istraživanja i izrade disertacije (literatura, usluge laboratorija, repro materijal, tehnička priprema, uvezivanje, itd.),
6. Pismo preporuke od strane institucije gdje aplikant radi,
7. Izjava, na vlasitu odgovornost aplikanta, da li je već koristio neki vid donacije od strane Vlade Tuzlanskog kantona ili pojedinih ministarstava,
8. Potvrda, da pravno lice u kojem je aplikant zaposlen, nije u mogućnosti da sufinansira izradu doktorske disertacije,
9. Dokaz o osiguranim sredstvima iz drugih izvora,
10. Identifikacijski broj (za fakultet/univerzitet),
11. Spesimen potpisa sa brojem ž/r, odnosno naziv banke i broj ž/r fizičkog lica otvoreno kod banke i filijala (za fakultet/univerzitet).
12. Navesti iznos sredstava koji se traži od Ministarstva obrazovanja, nauke, kulture i sporta.

Za sufinansiranje dijela troškova izrade i odbrane magistarske radnje kandidati su dužni priložiti:

1. Izvještaj komisije o podobnosti kandidata i teme magistarske radnje (kopija),
2. Odluku o imenovanju komisije za ocjenu magistarskog rada,
3. Troškovnik rada komisije, mentora i oglašavanja,
4. Pismo preporuke od strane institucije gdje aplikant radi,
5. Izjava, na vlasitu odgovornost aplikanta, da li je već koristio neki vid donacije od strane Vlade Tuzlanskog kantona ili pojedinih ministarstava,
6. Potvrda, da pravno lice u kojem je aplikant zaposlen, nije u mogućnosti da sufinansira izradu doktorske disertacije,
7. Dokaz o osiguranim sredstvima iz drugih izvora,
8. Identifikacijski broj (za fakultet/univerzitet),
9. Spesimen potpisa sa brojem ž/r, odnosno naziv banke i broj ž/r fizičkog lica otvoreno kod banke i filijala (za fakultet/univerzitet),
10. Navesti iznos sredstava koji se traži od Ministarstva obrazovanja, nauke, kulture i sporta.

**Za sufinansiranje dijela troškova postdiplomskih studija kandidati su dužni priložiti:**

1. Dokaz o upisu na postdiplomske studije
2. Dokaz o troškovima postdiplomskih studija
3. Potvrda, da pravno lice u kojem je aplikant zaposlen, nije u mogućnosti da sufinansira troškove postdiplomskog studija,
4. Dokaz o osiguranim sredstvima iz drugih izvora,
5. Navesti iznos sredstava koji se traži od Ministarstva obrazovanja, nauke, kulture i sporta.
6. Izjava, na vlasitu odgovornost aplikanta, da li je već koristio neki vid donacije od strane Vlade Tuzlanskog kantona ili pojedinih ministarstava,
7. Identifikacijski broj fakulteta/univerziteta,
8. Spesimen potpisa sa brojem ž/r, odnosno naziv banke i broj ž/r fakulteta/univerziteta otvorenog kod banke i filijala.

Prioritet za dodjelu sredstava u skladu sa tačkom III ovog poziva alineja 2, 5, 7 i 8, pod istim uslovima, imaju osobe iz kategorija:

1. Djece šehida i poginulih boraca-branitelja ,
2. Ratnih vojnih invalida,
3. Demobilisanih boraca-branitelja,
4. Socijalno ugroženih kategorija,
5. Dobitnici zlatne i srebrene plakete Univerziteta.

**Osobe koje pripadaju navedenim kategorijama dužne su dostaviti odgovarajuću dokumentaciju uz aplikaciju za sufinansiranje.**

#### IV

Pored utvrđenih kriterija i uslova iz tački I, II III i IV ovog pziva odluke, aplikanti su obavezni ispuniti jedan od prijavnih obrazaca u zavisnosti od toga za koje namjene se traži dodjela finansijskih sredstava i to:

- **PRIJAVNI OBRAZAC za sufinansiranje dijela troškova organiziranja naučnih skupova, kongresa, simpozijuma, konferencija i seminara,**
  - **PRIJAVNI OBRAZAC za sufinansiranje dijela troškova učešća naučnih radnika na naučnim skupovima u zemlji i inozemstvu na kojima izlažu svoje naučne radove,**
  - **PRIJAVNI OBRAZAC za sufinansiranje dijela troškova - pomoći Fondu za stipendiranje naučnog usavršavanja zaposlenika pri JU Univerzitet u Tuzli,**
  - **PRIJAVNI OBRAZAC za sufinansiranje troškova izrade i odbrane doktorske disertacije,**
  - **PRIJAVNI OBRAZAC za sufinansiranje troškova izrade i odbrane magistarskog rada,**
  - **PRIJAVNI OBRAZAC za sufinansiranje dijela troškova postdiplomskih studija,**
- Prijavni obrasci su sastavni dio ove odluke.

Za sufinansiranje Internet servisa pri JU Univerzitet u Tuzli i dijela troškova u prezentaciji i izlaganju patentnih rješenja, prijavni obrazac nije obavezan.

#### V

Poziv ostaje otvoren 15 dana od dana objavljivanja. Prijave na poziv sa potrebnom dokumentacijom slati na adresu: Ministarstvo obrazovanja, nauke, kulture i sporta Tuzlanskog kantona, Tuzla Ul. Slatina 2, Tuzla.

Nepotpune i neblagovremene prijave neće se izeti u razmatranje.

**MINISTARSTVO OBRAZOVANJA,  
NAUKE, KULTURE I SPORTA**